

Meeqqanik pinerliisimanginnermut uppersaatinik piunarsaateqartussaataaneq pillugu Inatsisartut inatsisaattut siunnersuut

(Kultureqarnermut, Ilinniartitaanermit, Ilisimatusarnermit Ilageeqarnermullu Naalakkersuisoq)

Saqqummiussissut**Siullermeerinnineq**

Naalakkersuisut sinnerlugit matumuuna meeqqanik pinerliisimanginnermut uppersaatinik piunarsaateqartussaataaneq pillugu Inatsisartut siunnersuut saqqummiuppara.

Inatsisartut meeqqanik kinguaassiuutitigut pinerliisarnermut atornerluisarnermullu akiuniarnermut tapertaasinnaasunik inatsisitigut suliniuteqarnissamik pisuni arlalinni kissaateqartarnerat tunuli-aqutaralugu inatsisissatut siunnersuuteqartoqarpoq, kiisalu aamma kissaatigineqarsimalluni, malittarisassat takutissinnaasagaat atorfinnut il.il. meeqqanik sullissiviusunut qinnuteqartut meeqqanik pinerliisimanginnermut eqqartuunneqarsimanersut.

Siunnersuutip pingaarnertut anguniarpaa meeqqat ulluunerani paaqqinniffimmiinnermini, atuarfimmiiinnermini, timersoqatigiiffimmiinnermini arlaanniluunniit inatsisimatillutik pinerlineqarsinnaanermut illersorneqassasut.

Tamatumunnga atatillugu siunnersuummi siunertaavoq, inunnik suliffinni meeqqanik sullissiviusuni atorfinitsitsinermit sulisitsinermit inuit taakku akuersissuteqartinnerisigut pineqartut meeqqanik pinerliisimanginnermut eqqartuunneqarsimanersut paasissutissamik pissarsinissamut pisussaaffivimmik atuisoqalernissaa.

Siunnersuutip sulinikkut kingunerissavaa assersuutigalugu ulluunerani meeqqanik paaqqinniffimmi inummik atorfinitsinneqarnerminut sulisinneqarnerminulluunniit atatillugu meeqqanik 15-it inorlugit ukiulinnik toqqaannartumik attaveqartussamik meeqqanik pinerliisimanginnermut uppersaatinik pissarsiniartoqartarnissaa.

Siunnersuummi taamaalilluni pingaarnertut suliassa qarfiit meeqqanut tunngasuni suliassa qarfinni atorfinitsitsinnaatitaallutillu sulilersitsinnaatitaasut pineqarput.

Meeqqanik pinerliisimanginnermut uppersaateqartussaataaneq siunnersuummi pineqartoq tassavaoq Pinerluuteqarsimasunik Qitiusumik Nalunaarsuiffimmiit meeqqanut 15-it inorlugit ukiulinnut inatsisunik unioqqutitsisimasut nalunaarsorsimaffigisaannit paasissutissamik pissarsisarneq. Tamatumani pineqarput qanigivallaakkamik atoqateqartarnermut, meeqqanik 15-it inorlugit ukiulinnik atoqateqarnermut allatulluunniit kinguaassiuutitigut atuinermut, pornonik meeqqanik assitaqartunik siammarterinnermut pigisaqarnermulluunniit, kiisalu meeqqanut 15-it inorlugit ukiulinnut kanngunartuliornermut tunngatillugu eqqartuunneqarsimanerit.

Aammattaaq siunnersuut Naalagaaffiup inatsisaanut atavooq tassani allassimammatt meeqqanik pinerliisimanginnermut uppersaateqartussaataaneq taamaallaat tunniunneqarsinnaasut inunnik meeqqanik 15-it inorlugit ukiulinnik toqqaannartumik attaveqartussamik atorfinitsitsinermit sulisitsinermit inuit taakku akuersissuteqartinnerisigut pineqartut meeqqanik 15-it inorlugit ukiulinnut inatsisunik unioqqutitsisimasut nalunaarsorsimaffigisaannit paasissutissamik pissarsisarneq. Tamatumani pineqarput qanigivallaakkamik atoqateqartarnermut, meeqqanik 15-it inorlugit ukiulinnik atoqateqarnermut allatulluunniit kinguaassiuutitigut atuinermut, pornonik meeqqanik assitaqartunik siammarterinnermut pigisaqarnermulluunniit, kiisalu meeqqanut 15-it inorlugit ukiulinnut kanngunartuliornermut tunngatillugu eqqartuunneqarsimanerit.

git ukiulinnik nakkutigineqanngitsumik qanimut najuinissamik periarfissaqarnermik nassataqassasoq.

Tamatuma saniatigut erseqqissaatigineqassaaq meeqqanik kinguaassiuutitigut pinerliisarnermut akiuiniarneq meeqqanik pinerliisimannginnermut uppernarsaatinik atuinerinnarmik tunngaveqarluni pissanngimmat, tassami taakku inunnut eqqartuunneqareersimasunut taamaallaat sunniuteqassamata. Meeqqanik pinerliisimannginnermut uppernarsaatit sakkussat ilagiinnarpaat taamaattumillu suliniutinik allanik ilaneqartariaqaluni, assersuutigalugu pinerluuteqarsimasunut, perorsaanikkut, pinaveersaartitsinikkut katsorsaanikullu suliniuteqarnermik.

Taamaattumik ajornartorsiummik akiuiniarnermi suli pisariaqarpoq sullissiveqarfinni pineqartuni il.il. eqqumaffiginninnissaq, taamatullu aamma ilaatigut pissuserisassanut malittarisassanik eqqartuinissaq, sulisussarsioriaatsip sammineqarnerunissaa, kiisalu meeqqat najorneqartarnerannut ileqqorissaarnissamut tunngavissiornissaq najoqqutassiornissarlu.

Tamatumunngali peqatigitillugu Naalakkersuisut isumaqarluinnarput meeqqanik kinguaassiuutitigut innarliisarneq pinngitsoorniarlugu ilungersuuteqarnermut pingaarutilimmik siunnersuut ilaasoq, kiisalu aamma siunnersuut meeqqanik sullissiveqarfinniittunik tamakkuluunniit assigisaaniitineqartunik annertunerusumik illersuinissamut tapertaassasoq, sullissiveqarfinnut taakkununnga nakkutigisassanngorlugit meerarpassuit inissinneqartarmata.

Kiisalu ilisimatitsissutigineqassaaq Inatsisileriffiup Inatsisartullu Inatsisissaanik Nalilersuisarfiata oqaaseqaataat siunnersuummut ilanngunneqarmata taamatullu aamma siunnersuummut nali-nginnaasumik nassuiaatit innersuussutigineqarlutik.

Taamatut oqaaseqarlunga siunnersuut Inatsisartunut akuersaartumik suliarisassanngorlugu ingerlateqqippara.